

# 異物志

宋膺

## 大宛國

(宋膺《異物志》：)

大宛馬有肉角數寸，或有解人語及知音舞與鼓節相應者。

[《通典》卷一九二·邊防八·西戎四·大宛]

(宋膺《異物志》云：)

大宛馬有肉角數寸，或有解人語及知音舞與鼓節相應者。

[《太平寰宇記》卷一八二·四夷一一·西戎三·大宛國]

## 大月氏國

(宋膺《異物志》云：)

大月氏國有牛尾，重十斤，割之供食，尋生如故。

[《通典》卷一九二·邊防八·西戎四·大月氏]

## 渴盤陀國

(宋膺《異物志》云：)

大頭痛、小頭痛山，皆在渠搜之東，疎勒之西。經之者身熱頭痛，夏不可行，行則致死；唯冬可行，尚嘔吐。山有毒藥氣之所爲也，冬乃枯歇，故可行也。

[《通典》卷一九三·邊防九·西戎五·渴槃陀]

(宋膺《異物志》曰：)

大頭痛、小頭痛山，皆渠搜之東，疏勒之西。經之者身熱頭痛，夏不可行，行則至死；唯冬可行，尚嘔吐。山有毒藥，氣之所爲，冬乃枯歇，故可行也。

[《太平御覽》卷七九三·西戎二·渴槃陀。另《太平寰宇記》卷一八六·四夷一五·西戎七·渴槃陀國]





## 大秦國

(《括地志》云……宋麇《異物志》云:)

秦之北附庸小邑，有羊羔自然生於土中，候其欲萌，築牆繞之恐獸所食。其臍與地連，割絕則死。擊物驚之，乃驚鳴，臍遂絕，則逐水草為群。又大秦金二枚，皆大如瓜，植[擲]之滋息無極，觀之如用則真金也。

[《史記正義》卷一二三·大宛列傳]

## 三國志·吳書

[吳主赤烏六年]十二月[公元344年]，扶南王范旃遣使獻樂人及方物。

[（晉）陳壽《三國志》卷四七·吳書·吳主孫權傳第二]

岱既定交州，復進討九真，斬獲以萬數。又遣從事南宣國化，暨徼外扶南、林邑、堂明諸王，各遣使奉貢。權嘉其功，進拜鎮南將軍。

[（晉）陳壽《三國志》卷六〇·吳書·呂岱傳]

